



Ministarstvo poljoprivrede, šumarstva i vodoprivrede HNŽ-K  
Ministarstvo poljoprivrede, šumarstva i vodoprivrede HNK  
Министарство пољопривреде, шумарства и водопривреде ХНК

Na osnovu člana 34. Zakona o izvršavanju Budžeta HNK za 2026. godinu („Službene novine HNK“, broj: 3/26), Odluke o usvajanju Programa utroška namjenskih sredstava za zaštitu i unaprjeđenje ribarstva sa kriterijima raspodjele sredstava za Ministarstvo poljoprivrede, šumarstva i vodoprivrede broj: 01-1-02-1075/26 od 14.05.2026. godine i tačke 4. Programa utroška namjenskih sredstava za zaštitu i unaprjeđenje ribarstva sa kriterijima raspodjele sredstava za Ministarstvo poljoprivrede, šumarstva i vodoprivrede HNK broj: 03-20-382-1/26 od 13.04.2026. godine, Ministarstvo poljoprivrede, šumarstva i vodoprivrede HNK objavljuje

**JAVNI POZIV**  
za raspodjelu namjenskih sredstava za zaštitu i unaprjeđenje ribarstva  
sa kriterijima raspodjele sredstava u 2026. godini

**I PREDMET JAVNOG POZIVA**

Predmet Javnog poziva je prikupljanje prijava za sufinansiranje projekata usmjerenih u svrhu zaštite i unaprjeđenja ribarstva, u skladu sa članom 29. Zakona o slatkovodnom ribarstvu HNK i Programa utroška namjenskih sredstava za zaštitu i unaprjeđenje ribarstva sa kriterijima raspodjele sredstava za Ministarstvo poljoprivrede, šumarstva i vodoprivrede HNK.

**II IZVOR SREDSTAVA**

Sredstva za realizaciju Javnog poziva osigurana su u skladu sa Odlukom o povećanju prihoda i rashoda u tekućem Budžetu HNK za 2026. godinu Ministarstvu poljoprivrede, šumarstva i vodoprivrede na poziciji - Namjenska sredstva od naknada za ribarstvo za 2026. godinu, Vlada HNK broj: 01-1-02-1074/26 - organizacijska jedinica 37010009, ekonomski kod 614300 „Grant neprofitnim organizacijama“, u iznosu od 148.870 KM (slovima: stočetrestosamhiljadaosamstosedamdeset konvertibilnih maraka). Sredstva u iznosu 148.870 KM su sredstva uplaćena na ime naknade za ustupanje dijela ribolovnog područja- ribolovnih zona u 2022., 2023., 2024. i 2025. godini i ranijih godina.

**III PRAVO APLICIRANJA NA JAVNI POZIV**

Pravo apliciranja i pravo na dodjelu sredstava imaju registrovana udruženja sportskih ribolovaca koje sa Ministarstvom poljoprivrede, šumarstva i vodoprivrede HNK imaju sklopljen Ugovor o ustupanju dijela ribolovnog područja - ribolovne zone na području Hercegovačko-neretvanskog kantona u svrhu bavljenja sportsko - rekreativnim ribolovom.

Prilikom određivanja raspodjele sredstava u kriterijima vodit će se računa o izvršenim ugovornim obavezama korisnika ribolovnog prava - udruženja sportskih ribolovaca vezanim za uplatu godišnje naknade za korištenje dijela ribolovnog područja-ribolovne zone za svaku predmetnu godinu (ostatak sredstva od naknada na kartici prihoda iz ranijih godina, za 2022., 2023., 2024. i 2025. godinu).

Podnositelji prijave koji su dobili namjenska sredstva za zaštitu i unaprjeđenje ribarstva za prijavljene projekte u prošlim javnim pozivima, za iste projekte ne mogu ponovno dobiti namjenska sredstva.

#### IV KRITERIJI ZA RASPODJELU SREDSTAVA

Raspodjela sredstava korisnicima ribolovnog prava- udruženjima sportskih ribolovaca vršit će se prema utvrđenim kriterijima:

1. Dostavljen projekat u svrhu zaštite i unaprjeđenja ribarstva, i to:

Za zaštitu ribljeg fonda

- zaštita prirodnih mrjestilišta autohtonih vrsta riba,
- zaštita i unaprjeđenje ribarstva kroz opremanje ribočuvarske službe

Za unaprjeđenje sportskog ribolova

- organizovanje edukacije za ribolovce,
- škola za mlade ribolovce,
- organizovanje takmičenja za ribolovce,
- izrada postera, reklamnog materijala, brošura,

Za zemljišne radove i građevinske radove

- sanacije i uređenja ribarskih staza
- izgradnja nadstrešnice za odmor i rekreaciju ribolovaca
- izgradnja i dogradnja takmičarske staze i ribarskog puta i staza.

2. Broj članova udruženja

3. Površina/dužina/zapremina ribolovne vode, kao i dužina, razuđenost i pristup obali na akumulacijama i rijeci Neretvi sa pritokama

4. Uplaćene godišnje naknade za korištenje dijela ribolovnog područja-ribolovne zone od korisnika ribolovnog prava-udruženja sportskih ribolovaca sa kojim MPŠV HNK ima zaključen ugovor i to:

- uplaćene naknade za korištenje dijela ribolovnog područja-ribolovne zone u preostalim sredstvima od naknada na kartici prihoda iz ranijih godina od korisnika ribolovnog prava - udruženja sportskih ribolovaca

- uplaćene godišnje naknade za korištenje dijela ribolovnog područja-ribolovne zone za 2022. godinu od korisnika ribolovnog prava

- uplaćene godišnje naknade za korištenje dijela ribolovnog područja-ribolovne zone za 2023. godinu od korisnika ribolovnog prava

- uplaćene godišnje naknade za korištenje dijela ribolovnog područja-ribolovne zone za 2024. godinu od korisnika ribolovnog prava

- uplaćene godišnje naknade za korištenje dijela ribolovnog područja-ribolovne zone za 2025. godinu od korisnika ribolovnog prava

## V PRIJAVA I DOKUMENTACIJA NA JAVNI POZIV

Za sudjelovanje na Javnom pozivu podnositelj prijave mora dostaviti sljedeće:

1. Obrazac prijave na Javni poziv treba biti uredno popunjen, potpisan od odgovornog lica sa pečatom, u kojem su navedeni osnovni podaci koji se traže od podnositelja prijave - puni naziv podnositelja prijave, ID broj, adresa sjedišta podnositelja prijave, broj: telefona, faxes, mobitela, e-mail-a, ime i prezime ovlaštenog lica za predstavljanje i zastupanje, djelatnost podnositelja i dokumentacija koja se prilaže uz obrazac. Obrazac prijave na Javni poziv se preuzima sa web stranice Ministarstva [www.mpsv-hnz-k.ba](http://www.mpsv-hnz-k.ba).

2. Dokumentacija (original ili ovjerena kopija) koja se dostavlja uz obrazac prijave:

- Projekat za zaštitu i unaprjeđenje ribarstva,
- Kopija uplatnica o izmirenim obavezama za naknadu za ustupljeno ribolovno pravo za 2022., 2023., 2024. i 2025. godinu.
- Aktuelno Rješenje Ministarstva pravosuđa, uprave i lokalne samouprave HNK koje je u skladu sa Zakonom o udruženjima i fondacijama („Službene novine F BiH“ broj 45/02),
- Dokaz o ispunjavanju obaveza u vezi plaćanja poreza (direktnih poreza od Porezne uprave F BiH i indirektnih poreza od Uprave za indirektno oporezivanje BiH, u skladu sa relevantnim zakonskim propisima - dokazi ne stariji od 6 mjeseci).
- Dokaz o broju članova udruženja - Izjavu potpisanu i opečaćenu od strane odgovornog lica u skladu sa aktuelnim Rješenjem Ministarstva pravosuđa, uprave i lokalne samouprave HNK.

Nepravovremene prijave na Javni poziv neće se uzeti u razmatranje.

Projekt za zaštitu i unaprjeđenje ribarstva iz tačke 2. ovog Poglavlja se može odnositi na zaštitu i unaprjeđenje ribarstva sa akcentom na zaštitu ribljih staništa i mrjestilišta autohtonih i ostalih vrsta riba rijeke Neretve i njenih pritoka, zatim uređenje ribarske staze, izgradnju obalnih nadstrešnica za aktivnosti članova ribolovnih udruženja, nabavka opreme koja će služiti u svrhu lakšeg obavljanja zaštite i unaprjeđenja ribarstva, promocija sportskog ribolova, sa iskazanim finansijskim sredstvima.

Projekti za zaštitu i unaprjeđenje ribarstva, moraju biti urađeni na osnovi jedinstvene metodologije za izradu projekta i obavezno sadrže:

Podaci o nositelju projekta:

- naziv udruženja,
- adresa sjedišta udruženja, kontakt telefon,
- predsjednik udruženja: ime i prezime i kontakt telefon,

Podaci o dijelu ribolovnog područja-ribolovne zone:

- naziv ribolovne zone,
- površina/dužina/zapremina ribolovne vode,
- broj članova sportsko - ribolovnog udruženja,

Podaci o projektu:

- naziv projekta,
- planirani početak i završetak aktivnosti na realizaciji projekta,
- mjesto-lokacija provođenja projekta,
- opis projekta, ciljevi projekta, korisnici projekta, dinamika planiranih aktivnosti projekta, očekivani efekti, rezultati projekta,

- ukupni troškovi projekta za koje se podnosi prijava za sufinansiranje sa detaljnom specifikacijom troškova projekta po stavkama,
- opća korist za zajednicu.

## VI KRITERIJI I VREDNOVANJE

Bodovanje pristiglih prijava sa priloženim projektima primjenjivat će se na sljedeći način:

1. Aktivnosti vezane za zaštitu ribljeg fonda u dostavljenom projektu - do 20 bodova
2. Aktivnosti vezane za unaprjeđenje sportskog ribolova - do 10 bodova
3. Aktivnosti vezane za zemljišne radove i građevinske radove - do 10 bodova
4. Broj članova udruženja - do 10 bodova
5. Površina/dužina/zapremina ribolovne vode, kao i dužina, razuđenost i pristup obali na akumulacijama i rijeci Neretvi sa pritokama - do 20 bodova
6. Uplaćene godišnje naknade za korištenje dijela ribolovnog područja-ribolovne zone od korisnika ribolovnog prava-udruženja sportskih ribolovaca sa kojim MPŠV HNK ima zaključen ugovor i to:
  - uplaćene naknade za korištenje dijela ribolovnog područja-ribolovne zone u preostalim sredstvima od naknada na kartici prihoda iz ranijih godina od korisnika ribolovnog prava - udruženja sportskih ribolovaca - do 10 bodova
  - uplaćene godišnje naknade za korištenje dijela ribolovnog područja-ribolovne zone za 2022. godinu od korisnika ribolovnog prava - do 10 bodova
  - uplaćene godišnje naknade za korištenje dijela ribolovnog područja-ribolovne zone za 2023. godinu od korisnika ribolovnog prava - do 10 bodova
  - uplaćene godišnje naknade za korištenje dijela ribolovnog područja-ribolovne zone za 2024. godinu od korisnika ribolovnog prava - do 10 bodova
  - uplaćene godišnje naknade za korištenje dijela ribolovnog područja-ribolovne zone za 2025. godinu od korisnika ribolovnog prava - do 10 bodova

Odabir projektnih prijedloga vršit će se u skladu sa kriterijima i usvojenim Programom utroška namjenskih sredstava za zaštitu i unaprjeđenje ribarstva sa kriterijima raspodjele sredstava za Ministarstvo poljoprivrede, šumarstva i vodoprivrede HNK broj: 03-20-382-1/26 od 13.04.2026. godine.

Nakon što Komisija utvrdi pravovremenost pristiglih prijava na Javni poziv, vrši otvaranje te razmatranje dostavljenih prijava i prihvatljivost ponuđenih projekata u skladu sa utvrđenim kriterijima iz Javnog poziva. U skladu sa Smjernicama o minimalnim standardima dodjele Budžetskih sredstava putem transfera i subvencija u F BiH („Službene novine F BiH“, broj: 37/24) za nepotpune prijave sačinjava se i dostavlja obavijest o dopuni prijave.

Prema utvrđenim kriterijima izvršit će se bodovanje prihvatljivih prijava i informacija o tome dostaviti Ministru. Ministar će utvrditi prijedlog raspodjele sredstava odabranim aplikantima i prijedlog Odluke uputiti na Vladu HNK. Vlada HNK donosi Odluku o raspodjeli namjenskih sredstava za zaštitu i unaprjeđenje ribarstva Ministarstvu poljoprivrede, šumarstva i vodoprivrede. Sa odabranim korisnicima Ministarstvo zaključuje Ugovor o sufinansiranju i uslovima korištenja namjenskih sredstava za

realizaciju projekta za zaštitu i unaprjeđenje ribarstva. Objavom Odluke o raspodjeli namjenskih sredstava za zaštitu i unaprjeđenje ribarstva Ministarstvu poljoprivrede, šumarstva i vodoprivrede na službenoj stranici Ministarstva, aplikanti – odabrani korisnici smatraju se obaviještenim o rezultatima Javnog poziva. Aplikantima za čije se prijave utvrdi da su neblagovremene i da nisu ispunile propisane uslove iz Javnog poziva, dostavit će se Obavijest o istom.

## VII NAČIN PODNOŠENJA PRIJAVE

Rok za dostavljanje prijave je 15 dana od dana javne objave Obavijesti o raspisanom Javnom pozivu u dvoje štampane dnevne novine i objave Javnog poziva na web stranici Ministarstva [www.mpsv-hnz-k.ba](http://www.mpsv-hnz-k.ba).

Prijava na Javni poziv za raspodjelu namjenskih sredstava za zaštitu i unaprjeđenje ribarstva sa kriterijima raspodjele sredstava u 2026. godini podnosi se na Obrascu koji je sastavni dio ovog Javnog poziva i sa priložima dostavlja se u zatvorenoj koverti lično ili putem pošte na adresu:

Ministarstvo poljoprivrede, šumarstva i vodoprivrede HNK, Hrvatske mladeži bb, 88 000 Mostar, sa naznakom:

Ne otvarati „Javni poziv za raspodjelu namjenskih sredstava za zaštitu i unaprjeđenje ribarstva sa kriterijima raspodjele sredstava u 2026. godini“.

Prispjela dokumentacija se ne vraća.

## VIII NAČIN OBJAVE JAVNOG POZIVA

Obavijest o raspisanom Javnom pozivu objavit će se u dvoje štampane dnevne novine, a cijeli tekst Javnog poziva objavit će se na službenoj stranici Ministarstva [www.mpsv-hnz-k.ba](http://www.mpsv-hnz-k.ba) te u Službenim novinama HNK.

Komunikacija se može ostvariti pozivom na broj telefona: 036 445-900, 036 445-915 i 036 445-917 ili putem e-mail-a: [ministarstvopoljhn@gmail.com](mailto:ministarstvopoljhn@gmail.com).

## IX ZAVRŠNE ODREDBE

Sa korisnicima koji ispune uslove i kriterije za dodjelu sredstava iz tačke IV i V Javnog poziva, Ministarstvo će zaključiti Ugovor o sufinansiranju i uslovima korištenja namjenskih sredstava za realizaciju projekta za zaštitu i unaprjeđenje ribarstva, za koji su sredstva odobrena.

Nakon završetka projekta, korisnici ribolovnog prava kojima su dodijeljena sredstva, u skladu sa Zakonom o izvršavanju Budžeta HNK za 2026. godinu dužni su dostaviti Izvještaj o provedenim aktivnostima, ostvarenim efektima i utrošenim sredstvima sa priloženim računima o utrošku dodijeljenih sredstava. Izvještaj korisnici ribolovnog prava trebaju dostaviti u Ministarstvo poljoprivrede, šumarstva i vodoprivrede HNK 90 dana nakon isplate sredstava korisniku. Ukoliko korisnik sredstava nije dostavio Izvještaj o utrošku sredstava ili nije sredstva utrošio namjenski dužan je izvršiti povrat sredstava u Budžet HNK.

Korisnici ribolovnog prava kojima su dodijeljena sredstva podliježu nadzoru kantonalnog poljoprivrednog inspektora. Inspeksijski nadzor u provođenju Zakona o

slatkovodnom ribarstvu, Programa i ovog Javnog poziva obavljaju poljoprivredni inspektori ovog Ministarstva. Poljoprivredni inspektor vrši kontrolu da li su korisnici ribolovnog prava kojima su dodijeljena sredstva dostavili Izvještaj o provedenim aktivnostima, ostvarenim efektima i utrošenim sredstvima sa priloženim računima o utrošku istih i da li su sredstva utrošena namjenski. Ako poljoprivredni inspektor utvrdi da korisnik sredstava nije dostavio Izvještaj ili utvrdi da je sredstva utrošio nenamjenski, poljoprivredni inspektor nalaže korisniku ribolovnog prava povrat cijelog iznosa dodijeljenih sredstava u Budžet Hercegovačko-neretvanskog kantona uplatom na transakcijski račun Hercegovačko-neretvanskog kantona broj: 1346741007090842 - ASA BANKA.

Nakon dostavljenih izvještaja od strane korisnika sredstava, Ministarstvo poljoprivrede, šumarstva i vodoprivrede po realizovanju odobrenih projekata će Vladi HNK i Ministarstvu finansija dostaviti Izvještaj o provedenim aktivnostima, ostvarenim efektima i postignutim ciljevima po svakom odobrenom projektu.

#### X SPRJEČAVANJE SUKOBA INTERESA

Svaki član Komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnositelja prijave.

Podnositelji prijave imaju mogućnost da Ministarstvu poljoprivrede, šumarstva i vodoprivrede HNK prijave sumnju na postojanje sukoba interesa, a Ministarstvo će odlučiti po svakoj prijavi.

Broj: 03-20-382-9/26

Mostar, 2. 6. 2026. godine

